



Th. syst. 4<sup>o</sup> 12

Th. 4<sup>o</sup>

620

N. 280.  
bibl. schol. Luc.




**I** Haubtstück vnd  
**Z**rtyckel Christen=  
licher leer widder den vnrhystē=  
lychē wuecher darumb et=  
lich Pfaffen zu Eysse=  
nach so gar vnrwig  
vnd bemühet  
synt.

Lasz her gehē Chri=  
stus lebt noch.

D. Jacobus Strausz zu  
Eysenach Ecclesiastes.

M. D. XXIII.



## Ihesus:

i Gottes gebott sind al vnuberwintlich bezwintgen vn̄ mag niemās erlediget dar von werden/ dan̄ durch Gottes barmhertzigkeit ynn Christo.

ii Keyn dispensierung/ keynes Conciliū bestetigung/ auch keyn beschepfter gewalt mag verprechung des gesetzes zu geben.

iii Grausamlich ketzter synd die/ die beschreyben & bapst möge vber die syben gebott der andern taffel dispensieren.

iiii Das gepot Gottes Deuteronomij am. xv. vn̄ Luce am. vi. das ein yetlicher seynem nechsten ynn der nott frey vnd willig/ soll leyhen/ on allen besuch. Ist allen Christen bey ewiger verdammis nott zuhalten.

v Ein pfennig vber die haubtsnem außgeleyhē/ eingenomen/ ist wucher.

vi Wuecher ist yn seyner natur/ als wid̄ die lieb des nechsten vn̄ das verpot gottes/ eyn schwer wichtig vnd offenbar todtsund.

vii Alle die bewilligen yn̄ todtsund/ noch vil mer die hylff/ schutz/ schym/ zur todtsunden thuen/ syn des todts würdig.

viii Die zins ym Concilio zu Costnyz/ wie man sagt/ nach gelassen auffhundert/ funffgulden/ synd wisszlich wucherzins.

ix In dem sych befin̄t dz die Concilia nit bloßlich/ geyret haben/ aber ketzterliche yrrung vor gut gescherzet/ vnd bestettigt.

x Das Concilium zu Costens hat Hieronymum

vnd Johānem huffe verprent/ weren alle besitzer der  
synagogen Sathane/ des prennenden fewrs wirdyg  
gewesen.

xi Hie hatt sych der wuecher eintrungē/ das sych  
die Juden vnter den Christen/ mit mer neren mögen.

xij Der wuecher ist eyn starcker grundt des vner-  
setlichen geitz/ der passen/ vnd munchen.

xij Er ist auch d recht muster herr/ vber den ge-  
maletten erkauften adel/ der ritter spil hintern offen/  
den armē gemeinē man zu verderbē yn gebrauch hatt.

xiii Der geborn adel/ vnd die gemeyn burger-  
schafft/ habent auch ym wucher zynß/ yrß miessig  
gonß vom Papst ein vergwissung.

xv Es folgt leichtlich der Ley dem Antechrist ym  
wuecher nach/ denn die stryck der reychtumb wollen  
verpliempt sein.

xvi Der herz Christus hatt alle reichthū vnrecht-  
fertig genent/ muß von nōtten d Christē gütter außm  
wuecher herfließent/ geraubt/ gestollē/ vnd aller vn-  
eren gemeß erkant werden.

xvii Vnselig vnd des glaubens gar entsetzet ist  
der/ der yn seyner armut wuecher zureychē bewilligt.

xviii Es sall eyn yeder fromer Christ den zusagē-  
den Worten Christi/ sonder zweyffel anhangen/ wirt  
ym nicht abgehen an seyner narung.

xix Wie ein yeder glaubt vnd hofft ynn Gott/ al-  
so hatt er auch hilff von Gott.

xx Gott speyset die vogel yn lufften/ die fysz ym  
wasser/ vnd bekleit die blömlin auff der heyden.

i Wer Got nit getrawet/ muß mit wuecher vñ

ander gefar geengstiget seint.

xxij Ein yed Christ sol hunger/turst/marter/todt  
heel/ vnd alles vbels eer erliden/ dan er Christum vn  
seynes worts verlaugne.

xxiij Wer wissentlich/ widder dz Euangelium zu  
thun/ sich verpflichtet/ verlaugnet Christum/ vnd sein  
lebendig wort.

xxiiii Wuecher nemen/ vnd geben/ yst offenbar **E**  
widder das Euangelium Ihesu Christi.

xxv Alle geding/ eyd/ gelubt/ verheysung/ ver  
sprechen/ geschrifflich/ od mündtlich/ beschehe/ wid  
der Gottes gepot/ reichen mit gottes lesterung Gott/  
vnd sein wort zu verlaugnen.

xxvi Die verschreybungē wuecher zu bezalē lau  
ten ynn der warheit also.

xxvij Ich versprich vnd gelob zu bezalen yerlich  
den wuecher/ widder Got vn sein gepot/ als ein ver  
zagter an Gottes hilff/ ich wil auch/ ynn armuet mit  
Gott/ nyt vergüt haben.

xxviii Al wuecher handlūg verwirfft/ gāz grōb  
lich das Creutz/ vnd das leben vnser herrē christi.

xxix Der arm einfeltig onwissent des Euangeliz  
ums/ von des Antechrist/ vnd aller widder Christen/  
Pfaffen Doctoren vnd munichen exempel/ vnd leer/  
verfuert/ so er yetzt der warheit erkantnis gewint/ sol  
er vmb kein gepot/ noch gewalt/ den wuecher bezalē.

xxx hye muß man Gott mer gehorsam seyn dan  
den menschen.

xxxi hie fall auch dein glaub/ ym Euangelio be  
wert werden.

xxxij So mit gewalt & wuecher außstringē wirt/  
vonn dir laß faren/ auch den mantel dem/der dir den  
Rock zuehet.

xxxijij Du must leib/guet/seel vnd eer/ verliessen/  
das du Christū mit seinem wort erhalten mögest.

xxxiiij Die gewalt dir auffgeladē/ widder gottes  
wort bestehet mit lang/ muetz mit dem ersten tyrannen  
widder Christum/ mit dem geyst/seynes mundes/er=  
legt werden.

xxxv Huert dich fromer Christ/das du nit gedenc=  
kest/ gewalt/ mit gewalt zu verdēpfen.

xxxvi Du hast hie kein wehr dan Gottes wort  
mit gedult.

xxxvij Es soll billich all christenlich künig/fürsten/  
vnd hern/auch yr hochlōblichen Kett/ym wort Got=  
tes behertzigen/das sye yhr vnterthonen zum wuecher  
nit zwingen/beschutzen/oder handthaben. Sie wol=  
len den offenbar (da gott fur sey) tyrannē/widder den  
glauben vnd Gottes wort erfunden werden

xxxviij Die Juriste die auß dē beschryeben rechte  
wuecher zu bezalen leren oder radte/ verstant yr grob  
vnchristlich hyr nit/ wissen auch nit was yhr eygen  
facultet ist.

xxix In vnzimlichen verheysen vnd gelōbtē soll  
niemans glauben halten.

xl Du hast dich Gott gelobt vnd seynem wort/  
mag kein verschreibung deiner elter/ oder von dir be=  
schehen/den wuecher zu bezalen/dich bezwingen.

xli Aller gewalt/ all rechtsprecher/die den wuech=  
er gezwang auff den gemeinen man tryngen/mōgen



Gottes reich mit besyzen / sye erstatten dann gnugsam  
den schaden yrem nechsten / auffgeladen.

xlj Es haben etwo die Christliche fürsten / lands  
herren vñ Cömmen / den wucher beyn Jude abgelegt.

xlj Jzt handthabt man / auch priester / vnd mu-  
nich / auch kirchen beym wuecher.

xlj Wir sagen al viel vom Euangelion aber die  
heupt stuck widder das götlich Euangelium darff nie-  
mans angreifen.

xlvi Es yst aller wuecherer vñ d selbē handhaber  
gemein stim / wer widder wucher predigt d ist auffrätig

xlvi Das Euangelium gedult keinen fryden oder  
einykeit / widder Gott vñ sein gepot / dann Christus den  
selbē fridē mit gesant hat yn die welt / aber ein schwert.

xlvi Das selbig schwert flecht nit lieblich wüde /  
aber trent vnd scheittet alles was von Gott abwent.

xlviij Wem disse haubt artickel widder den wuech-  
er / nit gefallen / der zeig mir an / ein besser Euangelium /  
möcht den selben gern vnter augen gern ansehen.

xlviij Es wirt widder doctor Eck / noch all geleerten  
der welt / das .xx. capittel Deuteronomij / auch das .vi  
Luce / mit erdichten glossen verdempffen.

l Got hat einmal gereth vñ gestehet des ewylich.

li Ir solt einander leyhen vnd nicht dar gegē ver-  
hoffen.

Seyprediget zu Eysenach durch  
D. Jacob Strauß .xx. xliii.

Faint, illegible text, likely bleed-through from the reverse side of the page.

D. Jacob ...  
...



75 A 6539

ULB Halle

3


004 382 706



4







**Hauptstück vnd  
rtyckel Christen-**  
er leer widder den vnrhrystē-  
yche wuecher darumb et-  
lich Pfaffen zu Eysse-  
nach so gar vnrwig  
vnd bemühet  
synt.

Lasz her gehē Chri-  
stus lebt noch.

D. Jacobus Strausz zu  
Eysenach Ecclesiastes.  
M. D. XXIII.

27

